

სდსს–ს თანამშრომლებმა შინდისში გმირთა მემორიალი გაამწვანეს

18 აპრილი 2016

სახელმწიფო დაცვის სპეციალური სამსახურის თანამშრომლებმა 2008 წელს რუსეთ–საქართველოს ომის დროს დაღუპულ გმირთა მემორიალის მიმდებარე ტერიტორიაზე სხვადასხვა ჯიშის მცენარეები დარგეს. ადგილის გამწვანებაში მონაწილეობა სდსს–ს ხელმძღვანელმა ანზორ ჩუბინიძემ და შიდა ქართლის გუბერნატორის მოვალეობის შემსრულებელმა იოსებ ოქრომელიძემ მიიღეს.

სახელმწიფო დაცვის სპეციალური სამსახურის წევრებმა ფიცის მიღების ცერემონია წელს სწორედ შინდისის მემორიალთან გაიმართა, რა დროსაც სამსახურის ხელმძღვანელმა მედიასთან საუბრისას განაცხადა, რომ სდსს შინდისში გმირულად დაღუპული ჯარისკაცების პატივისცემის ნიშნად მემორიალსა და მიმდებარე ტერიტორიას გაამწვანებდა და ამ ადგილს განსაკუთრებულ ყურადღებას მიაქცევდა.